

ԱՐԾՈՒԱՇԷՆԸ ՎՏԱՆԳԻ ՄԷՋ

Արծուաշէն գիւղը, որը եօթ կիլոմետրանոց գօտիով կտրուած է Հայաստանի ընդհանուր սահմաններից, մինչեւ վերջերս գտնուում էր յարաբերական ապահովութեան մէջ: Պատճառը յայտնի էր. ադրբեջանական 9 գիւղեր տանող միակ ճանապարհն անցնում էր շէնի միջով եւ վախ կար, որ արծուաշէնցիներն ի գօրու են կտրել այդ կապը:

Այժմ արդէն, երբ շափագանց հրատապօրէն կառուցուող շրջանցիկ մայրուղին գրեթէ աւարտուած էր, յաճախացել են ադրբեջանցիների զինուած յարձակումները գիւղի վրայ: Օր-օրի նախապատրաստուած էր ընդհանուր մեծ ճնշման ըսկիզբը, որի վերջնական նըպատակը պարզ էր՝ դատարկել Արծուաշէնը: Բայց, քանի դեռ չկար խորհրդային գօրքի համագործակցութիւ-

նը, այդ մտադրութիւնն իրագործելն անհնարին էր:

Այսօր տագնապալի լուրեր են ստացւում Արծուաշէնից: Մայիսի 8ին, առաւօտեան ժամը 10ից սկսած գիւղը զընդակոծում է ուղղաթիւներից: Ադրբեջանի ընդհանուր տարածքում գտնուող հայաստանեան փոքրիկ հողակտորը դարձել էր մի անցանկալի կնճիռ, որի փաստացի վերացումն է իրագործում ռազմական հզօր մեխանիզմը: Ցաւօք, առայժմ չենք կարող յայտնել աներածութիւնների ու կորուստների չափը:

Աֆղանական պատերազմի դպրոցն անցած փառապանծ գօրքը լայն ճակատով յարձակում է սկսել նաեւ Տաուշի շրջանի խաղաղ գիւղերի վրայ: Նման գործողութիւններ են սպասւում Մեղրու շրջանում:

Հ. Դաւթեան

ԱՐԾՈՒԱՇԷՆԻՑ ՅԱՅՏՆՈՒՄ ԵՆ

Ինչպէս Արծուաշէն գիւղից երեկոյեան 6.30.ի կողմը հեռախօսով յայտնեցին, գօրքը մտել է գիւղ եւ զէնք է առգրաւել: Այնուհետեւ բընակիչներին սպառնացել են,

որ եթէ մինչեւ առաւօտ գիւղում եղած ողջ զէնքը չյանձնուի, ապա Գետաշէնի օրը կը գցեն:

Բորիս Ղալեչեան



08.05. 1991թ. Ազատութեան հրապարակ

Այրում է եւս մի կուսակցական տոմս: